



Jens Napātôk', Naleraq
Inatsisartut

KNI pillugu § 37 naapertorlugu apeqquteqaatip 2026/69-ip akineqarnera

Inatsisartut suleriaasianni § 37, imm. 1 naapertorlugu KNI A/S-ip nioqqutissaatai pillugit Naalakkersuisunut apeqqutinik assigiinngitsunik saqqummiussaqaarputit.

Apeqqutip 6-ip 7-illu akineqarnera Aalisarneq, Piniarneq, Nunalerineq Imminullu Pilersorneq pillugu Naalakkersuisoqarfiup ataani akisussaaffigineqarmat tassannga akissuteqarnissamut ilassuteqartoqarnissaa noqqaassutigineqarpoq.

Tamatuma saniatigut KNI A/S-imit, Pilersuisup niuertarfiisa ingerlanneqarnerannut akisussaasumit, akissuteqarnissamut tapiliussassanik noqqaasoqarpoq.

Apeqqutit ataani akineqarput.

Apeqquteqaat 1: Naalakkersuisut nassuerutigaat, innuttaasut Upernavimmi, Uummannami, Qaanaami, Tasiilami Ittoqqortoormiini kiisalu nunaqarfinni isorliunerusunilu najugaqartut misigimmassuk Pilersuisumi nioqqutissat assigiinngisitaarnerat ima annikillisimatigisoq, allaat nalinginnaasumik pisariaqartinneqartut naammaginartumik matussuserneqarsinnaajunnaarsut, tamanna ajornartorsiutit ilungersunartutut isigineqartariaqartoq?

Akissuteqaat: Aallarniutigalugu oqaatigineqassaaq Naalakkersuisunit KNI A/S-ip kiffartuussinera pillugu atuisut akornanni ilaatigooriarluni naammagittaalliortoqartarnera ilisimaneqarmat. Naalakkersuisut taamatut naammagittaalliortoqarnera nassuerutigaat ataqqillugulu, taakkulu piginneqatigiiffiup isornartorsiuisumik oqaloqatigisarnissaanut Naalakkersuisunit ilanngullugit oqariartutigineqartarumaarmata. Piginneqatigiiffik taamaasilluni naammagittaalliortoqarneranik ilisimatinneqarpoq, aammalu Naalakkersuisuit pissutsit pitsaanerulersinniarlugit ingerlaavartumik piginneqatigiiffimmit sulisoqarnissaa naatsorsuutigineqarpoq.

Namminersorlutik Oqartussat aamma KNI A/S-ip akornanni nioqqutissanik pilersuineq pillugu kiffartuussinissamut isumaqatigiissuteqartoqarpoq. Isumaqatigiissummi KNI A/S nuna tamakkerlugu sumiiffinni assigiinngitsuni pilersuisussaataivoq. Sumiiffinni taakkunani nioqqutissanik pilersuineri nalinginnaasumik niuernissamut tunngavissaqanngitsut pineqarput. Kiffartuussinissamut isumaqatigiissummi tunngaviusumik nioqqutissat pisiarineqarsinnaasut allattorneqarput, taakkulu KNI A/S-ip minnerpaamik niuertarfimmini tamani pigisussaavai. KNI-mit ilisimatitsissutaavoq niuertarfinni nalinginnaasuni amerlanerni, kiffartuussinissamut isumaqatigiissummut ilaangitsunik nioqqutissanik, arlaqartunik pilersuisoqartartoq.

Allakkap ullua: 08-05-2026
Suliap nr. 2025 - 9212
Akt id. 26428356
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Taamaasilluni kiffartuussinissamut isumaqatigiisummi tunngaviusumik nioqputissaatigisassat ikilisaaffigineqanngillat.

Naalackersuisut kiffartuussinissamut isumaqatigiisummi piumasaqaatit ilumut malinneqarnersut malinnaaffigaat. Tamanna ilaatigut innuttaasunik oqaloqateqarnikkut, tusagassiutitigut ilanngutassiat kiisalu nalinginnaasumik tamanut soqutigisat aallaavigalugit pissutsit oqariartuutigineqartarput, aammalu nioqputissanik pilersuinermini ineriartorneq Naalackersuisunit malinnaaffigineqarnissaa qulakkeerniarneqartarluni. Ilangullugu KNI A/S-imi piginneqatigiissutit amerlanerussuteqarlutit Namminersorlutik Oqartussanit pigineqarput aamma Naalackersuisut ilaatigut Naalackersuisut Siulittaasoqarfiata ataani siulersuisoqarnermut allattoqarfik aqputigalugu suliffeqarfik ingerlaavartumik taamaasilluni oqaloqatigineqartarpoq.

Apequteqaat 2: Naalackersuisut isumaqarpat naapertuunnerusq innuttaasut sukkornermik nappaateqartut, allergeqartut, nerisassanik aalajangersimasunik sapigaqartut imaluunniit immikkut inuussutissarsiornikkut pisariaqartitsisut allat najugaqarnerminnik pissuteqartumik allanit ajornerusumik inissisimalissasut?

Akissuteqaat: Tunngaviusumik nioqputissat niuerutigisassat pillugit innuttaasut sukkornermik, sapigaqarnermik, arrortitsisinnaanginnermik imaluunniit allatigut immikkut illuinnartumik nerisaqarnissamut pisariaqartitsisunut immikkut inuussutissanik aalajangersagaqanngilaq. Taamaattoq KNI A/S-ip kiffartuussinissamut isumaqatigiisuteqarnerani pisussaaffiuvoq, inuussutissat toqqarneqarsinnaasut innuttaasut peqqissusaannut pitsanngorsaasinnaaneq siunertaralugu nioqputissat toqqarneqarsinnaasut KNI-mit nalilersuiffigineqartartussaammata nutarterneqarlutillu.

KNI A/S-imit ilisimatitsissutaavoq: *"Nioqputissat inuussutissanik arrortitsisinnaangitsunut naleqqussakkat, najukkami niuertoq/pisiniarfimmi pisortaq aqputigalugu nuna tamakkerlugu inniminniisoqarsinnaavoq."*

Tamatumunnga atatillugu Naalackersuisunit isumaliutaavoq siunissami tamakku inuussutissat nioqputissanut tunngaviusumik toqqarneqarsinnaasunut ilanngullugit piumasaqaatigineqalersinnaanersut.

Apequteqaat 3: Naalackersuisut paasissutissiissutigisinnaavaat nioqputissat suut ullumikkut nioqputissat tunngaviusut pillugit Pilersuisup pisiniarfiini sullissinissamik isumaqatigiisummut ilaatinneqartuni ilaappat, aammalu Naalackersuisut naliliinersut nioqputissat taakku innuttaasut ullumikkut pisariaqartitaannut naapertuunnersut?

Akissuteqaat: Tunngaviusumik nioqputissat niuerutigineqarsinnaasut sueneri KNI A/S-imit kiffartuussinissamut isumaqatigiisummi allaqqapput, taakkulu isumaqatigiisummi ilanngussami ersipput. Ilangussami ersippoq niuertarfinni sorlarni nioqputissat suut pisarineqarsinnaassanersut, apeqqutaatillugu pilersuineq depotimut, kioskimut, kiffartuussivimmut niuertarfirmut, nunaqarfimmi niuertarfirmut, niuernerpalaartumik niuertarfirmukartuunersoq apeqqutaatillugu.

Akissuteqaammut matumunnga ilanngussaq kakkiunneqarpoq.

Apeqquateqaat 4: Naalakkersuisut paasissutissiissutigisinnaavaat KNI Pilersuisoq 2024-mi, 2025-mi aamma 2026-mi sullissinissamik isumaqatigiisummut ilaatinneqartuni nioqqutissanik annikilliliissanersoq imaluunniit allanngortitsinersoq, taamatuttaaq nioqqutissat suut peerneqarsimanersut imaluunniit taarserneqarsimanersut, sumi najugaqarfinni tamanna pisimanersoq aammalu allannguutit taakku Namminersorlutik Oqartussanit akuersissutigineqarsimanersut?

Akissuteqaat: Apeqquateqaat 1-imut akissuteqaammi soorlu ilisimatitsissutigineqartut Naalakkersuisut kiffartuussinissamut isumaqatigiisummut ilaasunut tunngaviusumik nioqqutissat niuerutigineqarsinnaasunik arlaannaannik ikililerinngillat. KNI A/S ilisimatitsivoq piginneqatigiiffik nioqqutissanik niuerutigisassanik nalinginnaasumik naleqqussaasimalluni tunisat naapertorlugit, taamaasilluni nioqqutissat tunngaviusumik nioqqutissanut niuerutigineqartussanut ilanngitsut aammalu tunineqanngitsut, imaluunniit annikitsuinnarmik tunineqartut, niuertarfinni tuniniarneqarunnaarsimasut. Tassunga atatillugu kiffartuussinissamut isumaqatigiisummi eqqaaneqartut nioqqutissat pisiarinqarsinnaasut allanngunngillat. KNI pisarialimmik naleqqussaasarpog nioqqutissat nalinginnaasumik ujartorneqanngitsut toqqagassanut peerneqartarlutik. Tamanna pisarpoq piginneqatigiiffiup nioqqutissat piumaneqarnerat tunineqartarnerallu naapertorlugu qinigassat ingerlaavartumik nalinginnaasumik naleqqussaaffigisarlugit.

Naalakkersuisut kiffartuussinissamut isumaqatigiisummi piumasaqaatit malinneqarnerisut aamma tunngaviusumik nioqqutissat pisiarinqarsinnaasut pillugit piumasaqaatit malinneqarnerisut malinnaaffigaat. Taamaammat oqaatigineqareersutut isumaqatigiisuteqarfiusumi kiffartuussinissamut isumaqatigiisut naapertorlugu tunngaviusumik nioqqutissat allanngortinneqanngillat ikisinneqarnatillu.

Apeqquateqaat 5: Naalakkersuisut suliniuteqassappat Pilersuisup pisiniarfiini nunaqarfinni isorliunerusunilu pisariaqartitanut pingaarutilinnut annertusisamik nioqqutissaqartitsisoqarnissaanik, taamaalillutik innuttaasut uppersarneqarsinnaasunik immikkut inuussutissarsiornikkut pisariaqartitsisut peqqissutsiminnut ulluinnarnilu pisariaqartitaminnik pissarsisinnaaqqullugit?

Akissuteqaat: Kiffartuussinissamut isumaqatigiisummut ilanngussami tunngaviusumik nioqqutissat, KNI-p niuertarfiini pigineqartussat nalunaarsorneqarput. KNI A/S-ip kiffartuussinissamut isumaqatigiisuteqarfiani nioqqutissat pisiarinqarsinnaasut suut inuussutissat pissarsiarineqarsinnaasut aqutugalugit innuttaasut peqqissusaannik qaffassaataasinnaanersut misissussallugu nalilersorlugulu pisussaavoq.

KNI A/S kiffartuussinissamut isumaqatigiisut naapertorlugu pisussaaffeqarpoq Namminersorlutik Oqartussanut ilisimatitsissalluni allannguutit, kiffartuussinissamut isumaqatigiisummi sumiiffinnut toqqaannartumik toqqaannanngitsumilluunniit sunniutaasinnaasunik ilisimatitsinissamut. Piginneqatigiiffik tamatuma saniatigut ukiumut ataasiarluni tunngaviusumik nioqqutissat pisiarinqarsinnaasut akiisa ineriartornerat pillugu nassuiaammik suliaqartartussaavoq. Namminersorlutik Oqartussat taassuma saniatigut allanik nalunaarsuisussaataaaffinnik piumasaqaateqarsinnaatitaapput.

Tamatuma saniatigut Naalakkersuisut KNI A/S-imut kiffartuussinissamik isumaqatigiisutip nutarterneqarneranut atatillugu, nalilissavaat kiffartuussinissamut isumaqatigiisummi piffinnut pineqartunut tunngaviusumik nioqqutissat pisiarinqarsinnaasut pillugit aalajangersakkat annertunerusumik

naleqqussarneqarsinnaanersut. Tassunga atatillugu sumiiffinni assigiinngitsuni innuttaasut tunngaviusumik nioqqutissat pisiarinqarsinnaanersut suunissaat pillugit aalajangiinissamut akuutinneqarsinnaanerat isumaliutigineqarsinnaavoq.

Apeqquteqaat 6: Naalakkersuisut eqqumaffigaat ajornartorsiut suli ilungersunarnerulersartooq, innuttaasut nunaqarfinni isorliunerusunilu amerlasuut ilutigalugu pinngortitamit peqqinnartunik inuussutissanik ilassuteqartarnissamut periarfissatik ajorseriarnerarlugit misigimmata, piniarnermut aamma sumiiffinni nammineq pilersornissamut periarfissanut killilersuutit tamanna ajornakusoortimmassuk?

Akissuteqaat: KNI A/S-imik kiffartuussinissamut isumaqatigiissummi siunertaavoq innuttaasut ulluinnarni nioqqutissanik pisariaqartinneqartunik pisiniarsinnaanerat qulakkeerniassallugu aammalu innuttaasut pisariaqartitaat aallaavigalugu tamatuma ilusilersorneqarnissaa, ilaatigut najukkami pilersuinermi periarfissaasut imaluunniit killilersuutit aallaavigalugit. Tunngaviusumik nioqqutissat pisiarinqarsinnaasut oqaloqatigiissutaassapput kiffartuussinissamik isumaqatigiissutip nutarternissaanut atatillugu, tassanilu innuttaasunit oqariatuutit, taamaasillutik ilaasinnaallutik.

Sumiiffinni piniarnermut killilersuutillu akornanni oqimaqatigiisitsiniarnissaq anguniarneqassaaq, taamaasilluni siunissami kinguaariit uumassusilinnik pisuussutunik peqartuaannarnissaat qulakkeerinneqataaffigineqarluni.

Aalisarnermut, Piniarnermut, Nunalerinermit Imminullu Pilersornermut Naalakkersuisoqarfik imatut ilisimatitsivoq:

"Piniakkat killilersukkat killilersugaanngitsullu piniarnissaannut periarfissaqarpoq. Naak killilersuisoqaraluartooq, taamaattoq ilaatigut ukiumut pisassat tamakkiisumik atorneqarneq ajorput. Peqqutaasut amerlasinnaapput. Pisassat atorneqanngitsoortut ukiumut tulluuttumut nuutinneqarsinnaatitaapput.

Tamatuma saniatigut pisassat atorneqanngitsoortut agguateqqinneqarnissaannut kommunit ataasiakkaat periarfissaqarput, tamannalu ullumimiit annertunerusumik atorneqarsinnaagaluarpoq. Taamatullu uumasut killilersugaanngitsut suli annertunerusumik piniartunit atorluarneqarsinnaagaluarput aammalu imminut pilersorneq taamaasilluni annertunerulerluni.

Inuussutissanik containerinut eqqaavinnut aammalu umiatsianut talittarfinni allaat eqqaasoqarnera aamma takuneqartarpoq. Naalakkersuisut taamaattumik inassutigissavaat najukkani inuussutissanik eqqaanerup annikillisarnissaa."

Apeqquteqaat 7: Naalakkersuisut isumaqarpat naapertuunnerusooq innuttaasut nunaqarfinni isorliunerusuni najugaqartut marloriarlutik eqqorneqassasut, tassa pisiniarfinni nioqqutissat ikinnerulernerisigut aammalu ilutigalugu pinngortitamit ileqquusumik peqqinnartunillu inuussutissanik pissarsinissaminnut periarfissatik ajornarnerulernerisigut?

Akissuteqaat: Naalakkersuisut pingaartippaat nunami tamarmi innuttaasut tamarmik, sumi najugaqarnerat apeqqutaatinngit, naligiimmik pineqarnissaat. KNI A/S eqqarsaatigalugu piginneqatigiiffiup suleriaaseq pitsaannerusooq anguniarlugu suliniartoqarpoq, tassanilu sinerissami nioqqutissanik pilersuineq patajaannerusooq

qulakkeerniarlugu, kiisalu illoqarfinnut anginerusunut nutserneq aammalu niuerfiusup annikinnerulerneranut naapertuuttunngorsaajutigaluni, sulisoqarpoq.


Apeqquteqaat 8: Naalakkersuisut ajornartorsiummut matumunnga aalajangersimasumik aaqqiissutissarsiornermi ikiuunnissaminnut piareersimappat, soorlu pisariaqartitanut pingaarutilinnut annertusisamik nioqqutissaqartitsinikkut, immikkut nioqqutissanik piniarnissamut aaqqissuussinikkut imaluunniit allatigut iliuuseqarnikkut, innuttaasut pisariaqartitaminnik inuussutissanik pissarsiniarlutik najugaqarfigisaminnit nuuttariaqaqqunagit?

Akissuteqaat: Naalakkersuisut eqqumaffigaat KNI A/S nuna tamakkerlugu – aammalu sumiiffinni inukinnerusuni – nioqqutissanik ulluinnarsiutinik pilersuineq qulakkeerniarlugu qitiulluinnartumik inissisimammat. Inuiaqatigiinnut napatitsinissaq taperserniarlugu kiffartuussinissamut isumaqatigiissusiortoqarpoq, tassanilu niuertarfinni, piginneqatigiiffiup nunaqarfinni isorliunerusunilu ingerlataani, nioqqutissat minnerpaamik niuerutigineqartussat, niuertarfiit ammasarfii akigititaalu pillugit ilaatigut sinaakkutit aalajangersarneqartarlutik. Taamatut isumaqatigiissuteqarluni akit aalajangerneqarput, taamaasillutik innuttaasut nioqqutissanut pisariaqartunut sapinngisamik naapertuuttumik piumasaqaateqarluni, sumiinneq apeqqutaatinnagu, pisiniartoqarsinnaaniassammat.

Ilanngullugu Naalakkersuisut nalilerpaat nioqqutissarsiornerup siunissami imminut akilersinnaasumik ingerlannissaa qulakkeerniarlugu oqaloqatigiittoqartariaqartoq. Illoqarfinnut nuuttarneq innuttaasullu katitigaanerisa allanngornerat isorliunerusuni niuertarfiit ingerlannerannut piumasaqaatinik nutaanik malitseqarput. Apeqqutaavoq ilaatigut pilersuinermi aaqqissuussineq qanoq isikkulerlugu, aningaasarsiornikkut inuiaqatigiittullu aaqqissugaanerput aallaavigalugu siunertap attatiinnarnissaanut, siunissami ungasinnerusumi naleqqussaasoqarsinnaanersoq nalilersussallugu. Taamatut oqaloqatigiinnermi ilaatigut kiffartuussinerup qanoq ilusilernissaa qanimut annertunerusumik oqaloqatigiissutaasinnaavoq, taamatullu piginneqatigiiffiup illuutaasa nutarternissaannut periarfissanik kiisalu assartuinermi pisiassallu pisiarineqarsinnaasut suunissaanik naleqqussaanerit nalilersorneqarlutik. Tassunga soorunami ilaavoq, siunnersuutitut, nioqqutissanik allatsinneqarsinnaasunik aaqqissuussineq.

Soorunami aamma siunertaavoq siunissami innuttaasut nioqqutissanut ulluinnarsiutinut akinut angumaffigineqarsinnaasunut periarfissaqarlutik niuerniarsinnaanissaat, taamatullu piginneqatigiiffiup aningaasarsiornikkut toqqammaviisa suli annertunerusumik mangiarnissaat pinngitsoortillugu aammalu inuiaqatigiittut suliassat, aningaasanut inatsisip iluani sinaakkutit aalajangersarneqarsimasut iluanni, akisussaasumik isumagineqarnissaasa qulakkeerniarlugu.

Inussiarnersumik inuulluaqqusillunga


Aqqaluaq B: Egede
Aningaasaqarnermut Naalakkersuisoq

**Ilanngussaq 2
Tunngavigisatut
nioqqutissat**

**Assigiinngitsut,
amerlassusaat**

Suliassaqarfik pingaarneq	Oqaaseqaat	Toqqor sivik	Kiosk i	Kiffartu ussivitt ut pisiniar fik	Nunaq arfimm i pisiniar fik	Ullut nioqqutigine qarsinnaaffii
Suaasat ullaakkorsiutillu	Suaasaqqat	1	1	1	1	203
	Issingigassat aseqqorluttut aseqqorissaartullu	1	1	1	1	365
	Ullaakkorsiutit	1	1	2	3	270
Qaqorteqqasut	Qaqorteqqasut grødris	1	1	1	1	365
	Qaqorteqqasut løse ris		1	1	1	480
	Qaqorteqqasut puussiaaqqamiitillugit uutassat	1	1	1	1	480
	Qaqorteqqasut qaavi suliart parboiled ris			1	1	365
Inerititat	Gule ærter	1	1	1	1	270
Pasta	Pasta	1	1	2	2	360
Qajuusat	Iffialiassat aseqqorluttut	1	1	1	1	270
	Qajuusat nalinginnaasut	1	1	1	1	245
	Qajuusat Grahamsmel		1	1	1	210
	Qajuusiassat			1	1	540
Sukkut	Sioraasat	1	1	1	1	999
	Sukkut	1	1	1	1	999
Qapussat	Qapussat panertut	1	1	1	1	180
Pullassaait	Pullassaait	1	1	1	1	800
Meeraaqqat nerisassaat sequtsikkallu	6-inik qaammatilinnut sequtsikkat	1	1	2	3	540
	8-nik qaammatilinnut sequtsikkat	1	1	1	1	480
	12-inik qaammatilinnut sequtsikkat	1	1	1	1	480
	4-inik qaammatilinnut nerisassat	1	1	1	1	270
	6-inik qaammatilinnut nerisassat	1	1	2	2	480
Immuit milutassat	4-nik qaammatilinnut	1	1	1	1	270
	4-nik qaammatilinniit	1	1	1	1	270
	10-nik qaammatilinniit	1	1	1	1	225
	Sapigalinnut	1	1	1	1	338
Kaffit	Kaffit aalaterutassat	1	1	1	1	270
	Kaffit silaannaarlugit puukkat		1	1	1	270
Tiit	Earl Grey		1	1	1	600
	Medova	1	1	1	1	432
	Kamillete	1	1	1	1	360
	Tiit naatitarsunnittut			1	2	360
Tarajut	Tarajuaqqat	1	1	1	2	730
	Tarajorsuit	1	1	1	1	730
Qasilitsut	Qaqortut sequtsikkat				1	990
	Qernertut sequtsikkat	1	1	1	1	810
Akuutissat	Karry	1	1	1	1	720
	Uanitsut sequtsikkat				1	720
Siinuppi	Sennep	1	1	1	1	180
Ketchuppi	Ketchup	1	1	1	1	337

Igalluni uulia	Rapsolie	1	1	1	1	270
Suppaliassat panertut aamma bouillon	Suppaliassat panertut	1	2	3	5	432
	Bouillon			2	2	432
Naasut panertitat	Suppit akussai	1	1	1	1	400
	Uanitsut panertitat		1	1	1	480
Miseqqiassat panertut	Miseqqiassat panertut	1	2	2	2	800

Suliassaqarfik pingaarneq	Oqaaseqaat	Toqqor sivik	Kiosk i	Kiffartu ussivitt ut pisiniar fik	Nunaq arfimm i pisiniar fik	Ullut nioqqutigine qarsinnaaffii
Seqquluttut paarnallu panertitat	Seqquluttut	1	1	1	1	351
	Paarnat qernertut kiguteqanngitsut	1	1	1	1	405
	Paarnanit qallersuasiat	1	1	2	2	300
	Naatitat panertitat		1	1	1	300
Qaqqortarissat aamma mandlit	Hasselnøddit		1	1	1	120
	Mandlit		1	1	1	405
Paarnat qillertuusamiittut	Namminneq issiminniitsut	1	2	3	4	840
Naatitat qillertuusamiittut	Naatitat qillertuusaniittut	1	2	3	3	850
Aalisakkat qillertuusamiittut	Aalisakkat qillertuusaniittut	1	2	2	2	960
Kissariaannaat qillertuusaniittut panertitalu	Qillertuusaniittut	1	2	2	4	540
	Panertitat	1	1	2	2	540
Qallersuutissat qillertuusamiittut	Siulliimernit	1	1	1	1	730
	Tiguarraq	1	1	1	1	1350
	Skinke	1	1	1	1	1350
Pølsit qillertuusamiittut	Pølsit	1	1	1	1	730
Aalisakkat qerisut panertullu	Aalisakkat		2	2	3	360
Kukkukuuaqqat qerisut	Kukkukuuaqqat		2	2	2	360
	Iloqutit		2	2	3	270
Naatitat qerisut	Suppit akussai		1	1	1	360
	Akuleriit		2	3	3	360
Paarnat qerisut	Paarnat		1	1	1	360
Seernartuliat naatitalu qillertuusamiittut igalaaminermiittullu	Asiunaveersakkat	1	2	5	7	720
Naatsiiarit nioqqutissiat	Igalaaminermiittut	1	1	1	1	540
	Qerisut		1	2	3	540
Iffiat qerisut imaluunniit bake-off	Taartog		1	1	1	240
	Seqummarluttulik		1	1	1	360
	Iffiaq seqummarluttulik			1	1	270
	Qaqortuliaq immummik kimittunermik akulik		1	1	1	210
	Rundstykkitt		1	1	1	360
	Toastiliassat		1	1	1	360
	Puulukip neqaa qerisoq	Puulukip neqaa		4	4	6
Nersussuup neqaa qerisoq	Nersussuup neqaa		1	1	1	365
Savaaraq qerisoq	Savaaraq		2	2	2	360
Kissariaannaat qerisut	Kissariaannaat		3	3	4	270
Qallersuutissat pølsillu qerisut	Pølsit		1	1	1	165

	Qallersuutissat		1	3	4	180
Punneq aamma margariina	Qerisoq nillataartorluunniit	1	2	4	5	60/360
	Imerpalasoq			1	1	60
Marmelade	Marmelade	1	2	3	3	405
Kinertuliat	Kinertuliat	1	2	2	3	360
Juice	Juice	1	2	2	2	240
Saft	Nalinginnaasoq	1	1	2	2	360
	Kimikinnek	1	1	2	3	360
	Kartonimik puulik		1	2	2	240

Suliassaqarfik pingaarneq	Oqaaseqaat	Toqqor sivik	Kiosk i	Kiffartu ussivitt ut pisiniar fik	Nunaq arfimm i pisiniar fik	Ullut nioqqutigine qarsinnaaffii
Sodavand (puiaasat qillertuusalluunniit)	Sodavandit sukkullit	3	5	5	5	365/180 (p.fl)
	Sodavandit, light-it tunisassiat	1	2	2	2	365/180 (p.fl)
Immiaaqqat	Immiaaqqat	1	1	2	3	365
UHT-immuit immuullu qalippeneri	Immuk kimittuneq	1	1	1	1	180
	Immuk kimikinnerusoq, letmælk	1	1	1	1	230
	Immuk kimikinnek, skummetmælk		1	1	1	170
	Immuup qalipaa		1	1	1	63
	Immuit panertut	1	1	1	1	540
	Immuup qalipai panertut			1	1	540
Manniit	Manniit, nillataartut	1	1	1	1	57
	Manniit, qerisut		1	1	1	365
Mayonnaise amma remoulade	Mayonnaise	1	1	1	1	105
	Remoulade	1	1	1	1	120
Yoghurt	Yoghurt, qerisut		3	3	3	360
	Yoghurt, nillataartut				2	36
Immussuit	Immussuit tarnutassat	1	2	3	4	120
	Immussuaq kitsigassaq, qerisoq		1	1	2	360
	Immussuaq kitsigassaq, nillataartuq			1	2	110
Kissit knækbrøddillu	Kissit	1	2	3	5	365
	Knækbrød	1	2	3	3	150
	Paarnanit kissiliat		1	1	1	150
	Kaagit kaffisuutit		2	4	6	91
Nanaruutit servietsillu	Nanaruutit	1	1	1	1	
	Fyrfadslys	1	1	1	1	
	Servietsit		1	1	1	
Kingutinuq qaqorsaasat	Kigutinuq qaqorsaasat	1	2	4	5	999
Kigutinuq salgutit	Meeqqanut, qituttut qeratasuullu	1	1	2	3	
	Inersimasunut, qituttut qeratasuullu	1	1	2	2	
Ujalussiat kukkaajaatit kukkaajaatillu	Tandtråd	1	1	1	1	
	Kukkaajaatit			1	1	
Inummut eqqiaatit Meeqqanut inersimasunullu	Qaqorsaasat manngersaq	1	1	1	1	
	Qaqorsaasat imerpalasoq	1	1	1	1	
	Quligut	1	2	4	5	
	Timimut		1	1	1	
	Gel			1	1	
	Meeraaqqanut	1	2	4	6	
	Unngiaatit	1	1	1	1	
	Maskiina unngiaat			1	1	
Miluffiit atortussaalu	Miluffiit atortussaalu	1	2	3	4	

Errorsinermut erruinerullu qaqorsaait	Errorsinermut qaqorsaait	1	2	3	4	
	Kingunerut	1	2	2	3	
	Erruinerut qaqorsaait	1	2	2	2	
Eqqiaanermut qaqorsaait	Eqqiaait	1	2	2	3	
	Aquttarfiup akussaa	1	1	1	1	
Eqqiluisaarnermi sprit	Sprit	1	1	1	1	
Vitaminit iisartakkat	Meeqqanut	1	2	2	2	360
	Inersimasunut	1	2	2	2	360
Nipittartut	Nipittartut	1	1	2	2	
Nalequttat	Nalequttat	2	2	3	4	

Suliassaqarfik pingaarneq	Oqaaseqaat	Toqqor siviik	Kiosk i	Kiffartu ussivittut pisiniarfik	Nunaq arfimm i pisiniarfik	Ullut nioqutigine qarsinnaaffii
Nangit	Nangit	2	2	3	3	999
Nerisassanut pappiaqqat puussiallu	Qerisut puui	2	2	3	3	
	Poorsuit	1	1	1	1	
	Puussiaannaat	1	1	1	1	
	Film	1	1	1	1	
	Iffiorluni pappiara	1	1	1	1	
	Stanniol	1	1	1	1	
Kaffinik nakkartitsiviit	Kaffinik nakkartitsiviit	1	2	2	2	
Innaallagiamut peerit	Qinnikitsut sarfamik atuinikitsut	1	2	2	2	
	Qinnikkaat sarfamik atuinikitsut	1	2	2	2	
	Qinnikkaat	1	2	3	3	
	Qinnikitsut	1	2	2	2	
	Ammaluumasut, kronepære	1	2	2	2	
	Amilimasut, kertepære		1	1	1	
Equutissiat	Equutissiat	1	1	1	1	
	Allarutissiat	1	1	1	1	
	Kakkissarfeeqqat			1	1	
	Allarutissiat isugutattut		1	1	1	
Batteriit	Batteriit	3	3	4	5	
Qimmit qimuttut nerisassa	Qimusserfiusartuni issittumi nerukkaatissat	1	1	1	1	
	Fuldkost		1	1	1	
Imassat	Imassat	4	4	4	4	
Ikitsisit	Ikitsisit	1	1	2	2	
Sikaritsit aamma pujortaatinut tupat	Sikaritsit	1	1	1	1	
	Pujortaatinut tupat	1	1	1	2	
Nakorsaait pisiareriaannaat	Peqqinnissaqarfimmiit nalinginnaasumik pineqarsinnaasut (assigiinngitsut amerlassusaat)	Pt. 21	Pt. 21	Pt. 21	Pt. 21	
	Gassit puuiaasamiittut	1	1	1	1	
Uuliat tarnutissat	Uuliat tarnutissat	2	2	2	2	
Nioqutissat normuisa amerlassusaat		146	236	294	340	